



册府元龜  
卷之三百二  
至四



13  
849  
100



門 4 3  
號 849  
卷 100



册府元龜

淮南李嗣京參閱

西極文翔鳳訂正

豫章黃國琦較釋

外戚部 三

委任 輔政 將兵 立功

委任

夫姻連戚屬任叅國柄苟或瑚璉之奇器梁棟之偉材國家於是寄以腹心誠以義殊瓜李大則利權兵政委之弗疑小則近司要事冀其能忠其有出自寵

外戚部

私靡由公授倚任太過尤悔亦多覆轍頽基前世甚矣

漢許廣漢孝宣許后之父宣帝即位封平恩侯位特

進與侍中金安上等徑出入省中

又云宣帝收霍氏諸領胡越騎羽林

及兩宮將屯兵悉以所親信許史子弟代之許即廣漢史謂史良姊兄史恭諸子

史丹父高宣帝親母史良姊之兄子封樂陵侯丹自

元帝為太子時以父任為中庶子侍十餘年元帝即

位為駟馬都尉侍中出嘗驂乘甚有寵帝以丹舊臣

皇考外屬親信之詔丹護太子家

後漢陰識光烈皇后前母兄也初為侍中封原鹿侯

及明帝立為皇太子識以守執金吾輔導車馬

巡郡國識嘗留鎮守京師委以禁兵

馬嚴先徙北地明德皇后父授兄余之子仕郡督郵

後歸安陵永平十五年明德皇后勅使移居維陽顯

宗召見嚴進對閑雅意甚異之有詔留仁壽閣與校

書郎杜撫班固等雜定建武注記嘗與宗室近親臨

邑侯劉復等論議政事甚見寵幸

吳吳奮大帝母吳夫人弟景子也景卒奮授兵為將

封新亭侯帝征荊州拜奮吳郡都督以鎮東方

晉羊琇景獻皇后之從父弟武帝踐祚累遷中護軍

加散騎常侍琇在職十三年典禁兵豫機密寵遇甚厚

南齊江祐始爲景后少爲明帝所親愛如兄弟高宗輔政委以心腹鬱林隆昌元年自正員外郎補丹陽丞中書郎明帝爲驃騎鎮東府以祐爲諮議參軍後梁王操字子高宣帝母龔太后之外弟性敦厚有籌畧博涉經史在公恪勤初爲帝外兵參軍親任亞於蔡大寶

陳沈君高后主沈后父君理之弟有史能以家門外戚早居清顯宣帝大建元年東境大水百姓饑弊乃

君高爲貞戚將軍吳令

後魏王建廣寧人也祖姑平文后生昭成皇帝伯祖豐以帝舅貴重豐子支尚昭成女甚見親待建少尚公主道武登國初爲外朝大夫與和跋等十三人迭典庶事參與計謀

賀泥獻明皇后之從昆弟子也天賜末京師草草泥出舉烽於安陽北賀蘭部人往赴之明元卽位乃罷詔泥與渾等八人拾遺左右間莊恭皇后兄毘之子也孝文太和中初立三長以莊爲定戶籍大使甚有時譽

李侃端思皇后之族子也爲博陵郡公侃晞爲莊帝所親幸拜散騎嘗侍嘗食典御帝之圖爾朱榮侃晞與嘗安等持刀於禁內殺榮

宇文測性沉密少篤學爲司徒右長史尚宣武女陽平公主拜駙馬都尉及孝武疑齊神武詔測詣後周文帝密爲之備還封廣川縣伯

北齊尉景從神武起兵信都神武入維留景鎮鄴尋進爲公景妻嘗山君神武之姊也以勲戚每有軍事與庫狄干嘗被委重

鄭佇禮高祖嬖寵其姊也以親戚被昵擢帳內都督

嘗執弓刀出入隨從

胡長粲武成皇后之從祖兄少而敏悟以外戚起家給事中遷黃門侍郎後主踐祚長粲被勅與黃門馮琮子出入禁中專典敷奏

後周尉遲綱字婆羅蜀國公迥之弟也少孤與兄迥依託舅氏太祖西討關隴迥綱與母昌樂大長公主留於晉陽後方入關從太祖征伐嘗陪侍帷幄出入臥內

隋元孝矩初任周爲司憲大夫高祖重其門地娶其女爲房陵王妃及高祖爲丞相拜少冢宰進位柱國

時房陵王鎮維陽及高祖受禪立爲皇太子令孝矩代鎮旣而立其女爲皇太子妃親禮彌厚俄拜壽州總管賜孝矩璽書曰楊越氛祲侵軼邊鄙爭桑典役不識大猷以公志存遠畧今故鎮邊服懷柔以禮稱朕意焉

唐吳湊章敬皇后之弟也累轉左金吾衛大將軍湊小心謹慎智識周敏持承顧問偏見委信大曆中滑帥令狐彰汴帥田神功相次歿於理所時藩方兵驕乘戎帥喪亡人情多擾代宗令湊銜命撫慰必委曲說諭所欲爲之奏請皆得軍民和協帝重之

梁段凝開封人妹爲太祖美人故委心腹開平四年五月授懷州刺史遷鄭州刺史監大軍於河上後末帝罷王彥章兵權以授凝以衆五萬營於高陵津後唐孟知祥字保胤幼溫厚知書樂善武皇深器之以其弟克讓女妻之卽瓊華長公主莊宗同光三年九月大舉伐蜀以郭崇韜爲招討使奉辭之日崇韜奏曰臣以非才謬當戎事若西川平定之後陛下擇帥如信厚善謀事君有節則孟知祥有焉望以蜀帥授之冬蜀平十二月制以知祥簡較太傅同平章事成都尹充劍南西川節度副大使知節度事帝曰蜀

士奢華富盛不異吾宮以卿戚里忠賢慎乃相付卿其勉之

輔政

在昔三代蓋有外戚之助班固所稱其事詳矣秦漢已降后妃之家或以才升或由親授以才則竇嬰將兵克殄於多難以親則新莽輔政終滋於逆節然則內主機密參决政治恭慎自居必有輔佐之益威福是作乃生顛覆之虞賢者謙以成名驕者侈而授咎前史具載歷代明徵是知授以至公靡由私愛表其親遇之意敦以忠良之規則其可保乎始終守乎富

貴者也

漢田蚡景帝王皇后之同母弟武帝初卽位蚡以舅封爲武安侯會丞相衛綰病免帝議置丞相太尉藉福說蚡曰魏其侯其侯貴久矣實嬰也素天下士歸之今將軍初興木如卽帝以將軍爲相必讓魏其魏其爲相將軍必爲太尉太尉相尊等耳言其尊貴同一等也有讓賢名蚡乃微言太后風帝風讀爲諷於是廼以竇嬰爲丞相蚡爲太尉

上官桀隴西上邽人孝昭皇后祖父也武帝疾病以霍光爲大將軍桀爲左將軍皆受遺詔輔少主

許延壽孝宣皇后同產弟封樂成侯宣帝以延壽為大司馬車騎將軍輔政

史高孝宣父悼皇考之舅子封樂陵侯宣帝疾病拜高為大司馬車騎將軍領尚書事元帝襲尊號高輔政五年

王鳳孝元皇后昆弟孝成初即位以元舅侍中衛尉陽平侯為大司馬太將軍領尚書鳳輔政凡十一年王音孝元皇后從父弟弘子陽朔三年秋大司馬王鳳疾帝數自臨問親執其手涕泣曰將軍如有不可言平傷侯譚次將軍矣不可言其死也不斥言之譚鳳弟也鳳頓首泣

曰譚等雖臣至親行皆奢侈無以率導百姓不如御

史大夫音謹敕敕整也臣敢以死保之及鳳且死上疏

謝帝復固薦音自代音竟代鳳為大司馬驃騎將軍輔政八年

王商以孝元皇后弟封成都侯位特進代王音為大司馬衛將軍輔政四歲病乞骸骨帝閔之更以為大將軍

王根以孝元皇后弟封曲陽侯為光祿勳商薨紅陽侯立次當輔政有罪過帝廢立而用根為大司馬驃騎將軍輔政五歲



許嘉孝成皇后父自元帝時為大司馬車騎將軍輔政已八九年矣及成帝立復以元舅陽平侯王鳳為大司馬大將軍與嘉並輔政以為故事

傳嘉哀帝祖母定陶傅太后從父弟代師丹為大司馬輔政

後漢竇憲以章德皇后兄為侍中虎賁中郎將和帝

即位太后臨朝憲以侍中內幹機密幹主也出宣誥命

初章帝遺詔以憲弟篤為虎賁中郎將篤弟景瓌並中嘗侍於是兄弟皆在親要之地

鄧騭以和熹皇后兄拜車騎將軍儀同三司始自騭

也騭弟悝嘗為虎賁中郎將弘闡皆為侍中太后

騭等定策立安帝騭兄弟嘗出入禁中騭後為大將軍以母新野君薨還第服闋詔喻騭還輔政固讓乃

止

闡顯以安思皇后昆弟封長社縣侯太后臨朝以顯為車騎將軍儀同三司

梁商以順烈皇后父為大將軍商自以戚屬居大位每存謙虛於是京師翕然稱為良輔順帝委重焉

梁冀商之子為河南尹商薨未及葬順帝乃拜冀為大將軍冲帝始在襁褓太后臨朝詔冀與大傅趙峻

太尉李固參錄尚書事

竇武以桓思皇后父爲城門較尉靈帝立拜武爲大將軍嘗居禁中

何進靈思皇后兄獻帝卽位尊后爲太后臨朝進與太傅袁隗輔政錄尚書事

吳滕胤尚大帝公主爲太嘗與諸恪等俱受遺詔輔政廢帝卽位加衛將軍

晉楊駿以武悼皇后父自鎮軍將軍遷車騎將軍武帝疾篤后乃奏帝以駿輔政帝領之遺詔曰昔伊望作佐勳垂不朽周霍拜命名冠徃代侍中車騎將軍

行太子太保領前將軍楊駿經德履詰鑒識明遠毗翼二宮忠肅茂著官正位上臺擬跡阿衡其以駿爲太尉太子太傅假節都督中外諸軍事侍中錄尚書領前將軍如故惠帝卽位進駿爲太傅大都督假黃鉞錄朝政

褚裒以康獻皇后父除衛將軍領中書令裒以中書銓管不宜以姻戚居之固讓及太后臨朝有司以裒皇太后父議加不臣之禮拜侍中衛將軍錄尚書事裒以近戚懼獲議嫌上疏固請居蕃

後魏賀泥獻明皇后從弟之子也明元卽位拾遺左

右太武征赫連昌以功進爵爲瑯琊公軍國太議每參務焉

間毗恭皇后兄文成太安中以毗爲征東將軍評尚書事所以隆崇舅氏

常英以文成保太后兄太安初爲侍中征東大將軍太宰三年領太師錄尚書事

胡長粲武成皇后從祖兄爲給事中黃門侍郎文成卽位與領軍婁定遠錄尚書趙彥深和士開高文遙領軍綦連猛高阿那肱僕射唐邕同知朝政時人號爲八貴於後定遠文遙並出唐邕專與外兵綦連猛

阿那肱別總武任長粲嘗在左右兼宣詔令從  
陽後主卽位富於春秋庶事皆歸委粲盡心毗恭甚得名譽又爲侍中

馮熙以文明太后兄拜冠軍將軍又尚恭宗女博陵長公主拜駙馬都尉獻文卽位爲太傅孝文初太后臨朝帝乃承旨以熙爲侍中太師中書監

高肇以文昭太后兄景明中錄尚書事又尚宣武姑高平公主遷尚書令肇出自夷土時望輕之及在位居要留心百揆孜孜無倦世咸謂之能高后旣立愈見寵信延昌初遷司徒

胡國珍孝明時以靈太后之父封安定郡公太后臨朝尚書令任城王澄奏安定公宜出入禁中叅預大務詔屈公入决萬機尋進位中書監儀同三司詔與太師高陽王雍太傅清河王暉太保廣平王懷入居門下同釐庶政

李延晏以孝莊元舅之尊起授侍中太保延晏以保犯祖諱抗表固辭改授太傅尋轉司徒公

唐高士廉太宗文德皇后之舅貞觀初拜侍中十年同中書門下三品十二年拜尚書右僕射

長孫無忌文德皇后兄也少與太宗友善義軍渡河

無忌至長春宮謁見自是嘗從太宗征討及太祖卽位拜尚書右僕射或有密表稱無忌權寵過盛太宗以表示無忌謂曰朕與卿君臣萬事無疑若各懷所聞而不言則君臣之意爲不通矣因詔百寮謂之曰朕今有子皆幼無忌於朕實有大功今者委之猶如子也疏間親新聞舊謂之不順朕所不取也貞觀七年再拜司空固辭不許又因高士廉奏曰臣幸居外戚恐招聖主私親之誚敢以死請太宗曰朕之授官必擇才行若才不至縱朕至親亦不虛授襄邑王神符是也若才有所適雖怨讐而不棄魏徵等是也朕

若以無忌爲后之兄而私情愛之當多爲子女金帛  
何須輒以天官授之蓋是取其才且無忌聰明鑒悟  
且有武畧公等竝知所以委之臺鼎無忌又上表切  
讓太宗使謂之曰昔黃帝得力牧而爲五帝先夏禹  
得咎繇而爲三王祖齊桓得管仲而爲五伯長朕自  
在藩列與公遂得廓清宇內君臨天下以公功績才  
望允稱具瞻故授此官無宜辭讓爲禮也  
楊師道尚桂陽公主拜駙馬都尉貞觀中爲太嘗卿  
魏徵旣辭樞近之職太宗乃擢授師道爲侍中叅預  
朝政親待甚隆嘗在左右

竇德玄太穆皇后之從孫也歷官以恭勤著稱  
時爲右相

韋温以中宗韋庶人從父兄神龍中累遷禮部尚書

景龍三年拜太子少保同中書門下三品

楊國忠以玄宗太真妃從祖兄累遷蜀郡都督府長

史充劍南節度副大使知節度事代李林甫爲右相

兼吏部尚書集賢殿太學士太清大微宮使

韋保衡尚懿宗女同昌公主咸通十年自起居郎爲

翰林學士累遷兵部侍郎承旨不暮年以本官平章

事

將兵

夫推轂受任握兵之要將帥之重邦家是賴乃有奮  
自戚里委之帥律以親篤肺腑之懿以賢當幕府之  
選莫不執金鼓之政總鵝鸛之旅處則總司戎重出  
則恭行討伐固有削平逆壘揚威絕漠作鎮於外屏  
翰王國者矣其或倚任非當恩賞踰制自致滿溢或  
貽喪敗兩漢之世傾軛繼軌豈止太盛而不知抑損  
固亦違道而自底滅亡者哉

漢呂澤呂釋之皆高后兄從高祖征伐為列將  
澤二子台產高后臨朝特為將將南北軍

釋之子祿高后病困以為上將軍居北軍

竇嬰字王孫孝文皇后從兄子孝景即位為詹事因

病免三年吳楚反帝察宗室諸竇無如嬰賢

親也諸竇總謂帝外家也以吳楚之難故欲用内外之親為將也召入見同讓謝稱

病不足任帝曰天下方有急王孫寧可以讓邪乃拜

嬰為大將軍賜金千斤嬰守滎陽監齊趙兵七國破

封為魏其侯

衛青孝武皇后之弟元光六年拜為車騎將軍擊匈

奴出上谷元朔元年復將三萬騎出鴈門明年復出

雲中西至高關

山名一日塞名在朔方之北

遂至於隴西五年春

令青將三萬騎出高闕還至塞天子使使者持大將軍印即軍中拜青為大將軍就將皆以兵屬立號而歸明年出定襄斬首數千級而還青七出擊匈奴捕首虜五萬餘級霍去病衛皇后姊子再從大將軍為票姚校尉元狩三年春為驃騎將軍將萬騎出隴西有功其夏去病與合其侯敖俱出北地明年復出定襄數有功去病凡六出擊匈奴斬虜首十一萬餘級李廣利武帝李夫人之兄太初元年為貳師將軍發屬國六千騎及郡國惡少年數萬人以往期至貳師滅取善馬故號貳師將軍軍還入馬千餘疋伐宛再

再反猶人言兩回也征和三年復將七萬騎出五原擊匈奴

王鳳孝元皇后弟成帝即位以元舅為大司馬大將軍領尚書事鳳從弟音成帝時為御史大夫鳳薨以音為大司馬車騎將軍音薨鳳弟商為大司馬衛將軍商薨以弟根為大司馬票騎將軍後漢竇固尚光武女涅陽公主明帝即位拜中郎將監羽林士永平十五年帝欲遵武帝故事擊匈奴通西域以固明習邊事拜為車都尉以驍都尉耿忠為副謁者僕射耿秉為駙馬都尉秦彭為副皆置從事並出屯涼州明年出酒泉塞至天山擊呼衍王斬首

千餘級時諸將唯固有功明年復出玉門擊西域在邊數年羗胡服其恩信

馬嚴明德皇后從父兄永平末為將軍長史將北軍

五校士羽禁兵二千人屯西河美稷美稷縣名衛護南軍

於聽置司馬從事收守謁敬同之將軍

竇憲章德皇后之兄和帝即位太后臨朝憲以待中

內幹機密有罪懼誅臣欽若等按後漢書憲遣客刺後都鄉侯暢也自求擊

匈奴以贖死會南單于請兵其伐乃拜憲為車騎將

軍金印紫綬以執金吾耿秉為副發北軍五校黎陽

雍營緣邊十二郡騎士及羗胡兵出塞斬名王已下

萬三千級降者前後二十萬餘人詔使中郎將持節即

五原拜憲大將軍明年將兵出鎮涼州以待中鄧豐

行征西將軍事為副至私渠海而還

鄧騭和熹皇后之兄延平元年拜車騎將軍永初元

年涼部畔羗搖蕩西川朝廷憂之於是詔騭將左右

羽林北軍五校士及諸部兵擊之遷大將軍

閻顯安思皇后之弟建光元年安帝始親政事顯及

弟景耀晏竝為卿校典禁兵及思皇后臨朝以顯為

車騎將軍

梁商順烈皇后之父陽嘉三年以商為大將軍固稱



疾不起四年使太嘗桓焉奉策就第卽拜商乃詣闕受命

商子冀爲河南尹商薨未及葬順帝乃拜冀爲大將軍

竇武桓思皇后之父靈帝卽位拜武爲大將軍

董重靈帝母孝仁皇后之兄子中平五年爲驃騎將軍領兵千餘人

何進靈思皇后之兄中平元年黃巾賊張角等起以進爲大將軍率左右羽林五營營士屯都亭修理器械以鎮京師五年靈帝講武於平樂觀下行陣三匝

而還詔使進悉領兵屯於觀下進弟苗中平四年

河南尹滎陽賊數千人羣起攻燒羣縣殺中牟縣令

詔使苗出擊之苗攻破羣賊平定而還詔遣使者迎於成臯拜苗爲車騎將軍

魏甄像文昭后父逸之孫明帝時爲散騎嘗侍青龍

二年吳人寇楊州以像爲伏波將軍持節監諸將東征

晉羊琇景獻皇后從父弟武帝踐阼累遷中護軍在職十三年典禁兵寵遇甚厚

王虔文明皇后弟爲東平將軍假節監青州諸軍事

虔子士文爲右衛將軍南中郎將鎮許昌

楊駿武悼皇后父武帝時自鎮軍將軍遷車騎將軍  
大康末假節都督中外諸軍事領前將軍置步兵三  
千人騎千人惠帝卽位進大都督假黃鉞

虔亂元敬皇后弟太寧末自步兵校尉轉右將軍與  
南頓王宗俱爲明帝所昵竝典禁衛

庾亮明穆皇后之兄明帝時代王導爲中書監及王  
敦舉兵加亮左衛將軍與諸將距錢鳳及沈充之走  
吳興也又假亮節都督東征諸軍事成帝卽位蘇峻  
反復假亮節都督討諸軍事後鎮蕪湖頃之後將軍

郭默據湓口以叛亮表親征於是以本官加征討都  
督及石勒死有開復中原之謀乃率大衆十萬據石  
頭城爲諸軍聲援

亮弟惲爲左衛將軍以討蘇峻功封廣饒男後遷輔  
國將軍假節鎮蕪湖

惲弟冰爲吳國內史會蘇峻作逆以冰行奮武將軍  
距峻別率張健於吳中冰擊走之後爲車騎將軍及  
弟翼當伐石季龍於是以本號除都督江荆寧益梁  
交廣七州豫州之四郡軍事領江州刺史假節鎮武  
昌以爲翼援冰弟翼代亮爲都督江州司雍梁益六

州諸軍事安西將軍荊州刺史假節鎮武昌康帝卽位翼率衆北伐有衆四萬詔加都督征討軍事褚裒康獻皇后父康帝時爲尚書以后父若求外出除逮威將軍江州刺史鎮平洲遷右將軍兖州刺史都督兖州徐州之琅邪諸軍事假節鎮金城穆帝時假節鎮京口及石季龍死裒上表請伐之卽日戒嚴直指泗口朝議以裒事任貴重不宜深入可先遣偏師裒重陳前所遣前鋒督護王順之等徑造彭城示以威信後遣督護麋嶷進軍下邳賊卽奔潰嶷率所領據其城池今宜速發以成聲勢於是除征討大都

督徐兖青揚豫五州諸軍事裒率衆三萬徑進彭城

河朔士庶歸降者以千計裒撫納之甚得其歡心

王蘊孝武定皇后父定后立父封建昌縣侯固辭不拜乃授都督京口諸軍事左將軍假節鎮於京口徵拜尚書左僕射遷丹陽尹以姻戚不欲在內苦求外出復以爲都督浙江東五郡鎮軍將軍

宋徐達之尚高祖長女會稽公主爲振威將軍彭城沛二郡太守高祖諸子並幼以達之姻戚將大任之欲先令立功及討司馬休之使統軍爲前鋒配以精兵利器事尅當卽授荊州休之遣魯宗之子軌手破

之於陣見害追贈中書侍郎

趙伯符孝穆皇后弟子也武帝時爲寧遠將軍總領  
義從以居宮城北每有火起及賊盜輒身貫甲胄助  
郡縣赴討帝甚嘉之後魏賀泥道武母獻明皇后從  
父弟悅之子從太武征赫連昌又蠕蠕爲別道將  
杜超密皇后之兄尚南安長公主神麋三年乃以超  
行征南大將軍鎮鄴

馮誕文明太后兄子尚孝文妹樂安長公主除侍中  
都督中外諸軍事中軍將軍

高肇文昭太后之兄延昌初爲司徒及大征蜀以肇  
爲大將軍都督諸軍爲之節度與都督甄琛等一  
餘人俱面辭宣武於東堂親奉規畧

北齊婁昭武明皇后之母弟爲中軍大都督從神武  
破爾朱兆於廣河兗州刺史樊子鵠反以昭爲東道  
大都督討之

昭子獻以軍功爲大司馬武成至河陽乃遣總偏師  
赴懸瓠

庫狄干尚神武妹樂陵長公主以親地見待自預勤  
王嘗總大衆威望之重爲諸侯最

韓軌妹爲神武所納生上黨王渙軌督中軍從破爾

朱兆於赤嶺後為大司馬從文宣征蠕蠕

斛律光後王皇后父為大將軍天統末周將圍維陽

壅絕糧道武平元年正月詔光率步騎三萬討之其

冬光又率步騎五萬於王壁築華谷龍門二城二年

率眾築平隴衛壁統戎等鎮戍十有三所破周將韋

孝寬於汾水之北俘斬千計又率步騎五萬出平陽

道攻姚襄白亭城戍

後周李暉尚太祖女義安公主從駕西巡率公卿子

弟別為一軍

唐竇德明高祖太穆皇后兄之孫武德初拜考功郎

中從太宗擊王世充頗有戰功

武攸宜則天之姪萬歲通天元年九月為右武威衛

大將軍充清邊道行軍大總管以討契丹及軍發則

天幸白馬寺餞之

武懿宗則天伯父士逸之孫為左金吾衛大將軍萬

歲通天中契丹賊帥孫萬榮寇河上命懿宗為大總

管討之

後唐劉延皓末帝皇后之弟清泰初自樞密使出為

鄴都留守

晉杜重威尚高祖妹宋國長公主天福初典禁軍二

年張從賓構亂處汜水高祖遣重威與侯益率眾破之遷侍衛親軍馬步軍副都指揮使及鎮州安重榮稱兵向闕命重威禦之開軍元年北面行營招討使

立功

外戚之助其來遠矣乃有居於母黨謂我舅者本乎肺腑之重旁及葭莩之餘其或志蘊精彊才推饒傑早登勇爵深揚武經在寵任以方深屬艱虞之斯在而能祇奉王命武遏亂畧協贊義舉克著英謀用集厥勳允膺懋賞予以播盛烈於盟府振休聲於軍志非夫忠而能力者其何以臻是哉

漢竇嬰孝文皇后從兄子為詹事病免景帝三年

楚反帝察宗室諸竇無如嬰賢乃拜大將軍守滎陽

監齊趙兵以破吳楚功封魏其侯

衛青姊為武帝后元光六年青為車騎將軍擊匈奴

出上谷青至籠城籠音同斬首虜數百騎是後匈奴

仍侵犯邊元朔元年秋青復將三萬騎出鴈門斬首

虜數千明年復出雲中西至高關高關山名一曰塞各在朔方之北

遂至於隴西捕首虜數千畜百餘萬走白羊樓煩王

遂取河南為朔方郡五年春令青將三萬騎出高關

匈奴右賢王當青筭兵以為漢兵不能至此飲酒醉

漢兵夜至圍右賢王右賢王驚夜逃獨與其愛妾一人騎數百馳潰圍北去漢輕騎較尉郭成等追數百里弗得得右賢禪王千餘人衆男女萬五千餘人畜數十百萬於是引兵而還拜青大將軍明年春青出定襄斬首數千級而還月餘復出定襄斬首虜萬餘人青爲大將軍七出擊匈奴斬捕首虜五萬餘級一與單于戰收河南地置朔方郡封長平侯霍去病以衛后姊子年十八爲侍中再從大將軍大將軍受詔于壯士爲票姚校尉與輕勇騎八百直棄大將軍數百里赴利斬捕首虜過當

去病捕虜二千二十八級得相國當戶斬單于大父

行籍若侯產捕季父羅姑比再冠軍乃封爲冠軍侯

元符三年春爲驃騎將軍

將萬騎出隴西踰烏鎰

山名

討遼濮

匈奴部落

涉孤奴

水名

五王國轉戰六日過焉支山千有餘里合短兵鏖臯

蘭下殺折蘭王斬盧侯王

折蘭匈奴中姓也

全甲獲醜執渾

邪王子及相國都尉捷首虜八千九百六十級收休

屠祭天金人師率城什七其夏去病與諸將出北地

遂深入至祁連山得單于單桓酋涂王及相國都尉

以衆降下者二千五百人捷首虜三萬二百獲五王

王毋單于闕氏王子五十九人相國將軍當戶都尉

六十三人其後率師正匈奴西域王渾邪王捷首八

十餘級降異國之王三十二元狩四年春大將軍青與去病各五萬騎青出定襄去病出代郡青出塞千餘里捕斬首虜萬餘級遂至寘顏山留一日而還去病出右北平二千餘里獲屯頭王韓王等三人將軍相國當戶都尉八十三人臨翰海執訊獲醜七萬有四百四十三級

李廣利女弟爲武帝夫人廣利爲貳師將軍發屬國騎及群國惡少年以往期至貳師城取善馬貳師至輪臺攻數日屠之西行至宛城兵到者三萬宛兵迎擊漢兵漢兵射敗之宛兵走入保其城圍其城攻之

四十餘日宛貴人謀曰王母寡匿善馬殺漢使今殺王而出善馬漢兵宜解卽不廼力戰而死未晚也宛貴人皆以爲然共殺王其外城壞虜宛貴人勇將煎靡宛大恐走入城中相與謀曰漢所爲攻宛以王母寡持其頭遣人使貳師約曰漢無攻我我盡其善馬恣其所取而給漢軍糧貳師許宛之約宛乃出其馬令漢自擇之漢軍取其善馬數十匹中馬以下牝牡三千餘匹而立宛貴人爲宛王罷而引歸貳師將軍之東諸所過小國聞苑破皆使其子弟從入貢獻見天子因爲質焉



後漢李通尚光武女弟寧平公主爲將軍建武六年  
夏領破姦將軍侯進捕虜將軍王霸等十營擊漢中  
賊公孫述遣兵赴救通等與戰於西城破之  
馬防明德皇后之弟章帝卽位稍遷城門較尉建初  
二年金城隴西保塞羗皆叛拜防行車騎將軍以長  
水較尉耿恭副北軍王較兵及諸郡積射士三萬人  
擊之防引兵與戰於索西破之羗豪布橋追急將種  
人萬餘降詔徵防還拜車騎將軍

竇固尚光武女涅陽公主累遷中郎將安帝時以明  
習邊事爲奉車都尉以騎都尉耿忠爲副出屯涼州

與忠率酒泉敦煌張披甲卒及盧水羗胡萬二千騎  
出酒泉至天山擊呼衍王斬首十餘級呼衍王走追  
至蒲類海留吏士屯伊吾盧城時駙馬都尉耿秉等  
絕漢六百餘里至三木樓山騎都尉來苗等至匈奴  
河水上虜皆奔走無所獲太僕祭彤度遼將軍吳棠  
等坐不至涿山免爲庶人諸將淮固有功加位特進  
明年復出玉門擊西域固遂破白山降車師

竇憲女弟爲章帝后及和帝卽位太后臨朝時南單  
于諸兵北伐乃拜憲車騎將軍金印紫綬官屬依司  
空

依唯也長史一人千石掾屬二十九人合史及御屬二十二人以執金吾耿秉爲

刑府元勳立功

副發北軍五校漢有南北軍中侯一人六黎陽雍營

緣邊十二郡騎士光武中興以幽冀并州兵騎克定天下故於黎陽五營以謁者監之

又曰扶風都尉部雍縣以涼州近羌數犯三輔將兵衛護國陵故續稱雍營及羌胡兵出

塞明年憲與乘各將四千騎及南匈奴左谷蠡王帥

子帥子其萬騎出朔方鷄鹿塞南單于屯屠河屯屠河單

千名將萬餘騎出蒲夷谷度遼將軍鄧鴻鄧禹少子及緣

邊義從羌胡八千騎與左賢王安國萬騎出桐陽塞

桐陽在皆會涿邪山憲分遣副校尉閻盤司馬耿譚

將左谷蠡王帥子右呼衍王須訾等呼衍其號因以爲姓匈奴貴種

也今呼延姓是其後精騎萬餘與北單于戰於稽落

須訾名也

山大破之虜衆奔潰單于遁走追擊諸部遂臨

比鞬海匈奴中斬名王已下萬三千級獲王口馬牛

羊橐駝百餘萬頭於溫犢須日逐溫吳夫渠王柳鞬

等八十一部率衆降者前後二十餘萬人憲乘遂登

燕然山去寨三十餘里刻石勒功紀漢威德令班固

作銘至和帝永元二年憲以北虜微弱遂欲威之明

年復遣右較尉夔司馬任尚趙博等將兵擊北虜於

金微山大破之克獲甚衆北單于逃走不知所在

何進女弟爲靈帝后中平元年黃巾賊起以進爲大

將軍屯都亭張角別黨馬元義謀起維陽進發其姦

以功封慎侯

何苗進弟也爲河南尹滎陽賊數千人群起攻燒郡縣殺中牟縣令詔使苗出擊之苗攻破群賊平定而還詔遣使者迎於成臯拜苗爲車騎將軍封濟陽侯吳吳景大帝母吳夫人弟也景常隨堅征伐有功拜騎都尉袁術上景領丹楊太守討故大守周昕遂據其郡孫策與孫河呂範依景合衆共討涇縣山賊祖卽卽敗走會景爲劉繇所迫復北依術術以爲督軍中郎將與孫賁共討樊能于糜於橫江又擊笮融薛禮於秣陵時策被劄牛渚降賊復反景攻討盡禽之

從討劉繇繇奔豫章策遣景賁到壽春報術術方與劉備爭徐州以景爲廣陵太守術後僭號策以書喻術術不納便絕江津不與通使人告景景卽委郡東歸策復以景爲丹楊太守漢遣議郎王誦音誦術命南行表景爲揚武將軍領郡如故

徐琨大帝姑子也琨少仕州郡漢末擾亂去吏隨堅征伐有功拜偏將軍堅薨隨孫策討樊能于糜等於橫江擊張英於當利口而船少欲駐軍更求琨母時在軍中謂琨曰恐州多發水軍來逆人則不利矣如何可駐邪宜伐蘆葦以爲泚佐船渡軍琨具啓策策

卽行之衆悉俱濟遂破英擊走竿融劉繇事業克定  
策表現領丹陽太守會吳景委廣陵東歸復爲丹陽  
太守琨以督軍中郎將領兵從破廬江太守李術封  
廣德侯遷平虜將軍

陳錢道戢字子韜高祖微時以從妹妻焉牛盧子畧  
於廣州除濱江令高祖輔政遣道戢隨世祖平張彪  
十會稽以功拜直閣將軍除員外散騎嘗侍假節東  
徐州刺史封永安縣侯邑五百戶

後魏賀納道武元舅從道武平中原拜安遠將軍納  
弟盧盧弟悅並以從平中原功盧賜爵遼西公悅賜

爵鉅鹿侯悅子泥從太武征嚇連昌以功進爵

郿公

劉羅辰宣穆皇后之兄也從平中原以前後勲賜爵  
永安公以軍功除征東將軍定州刺史

唐長孫敞文德順聖皇后之叔父也任隨爲左衛郎  
將煬帝幸江都留敞守京城禁苑及義旗入闕率子  
弟迎謁於新豐從平京城以功除將作少監

柴紹晉州臨汾人高祖微時妻之以女卽平陽公主  
也武帝元年累遷爲左翊衛大將軍從太宗平薛舉  
破宋金剛攻平王世克於維陽禽竇達德於武牢轉

右驍衛大將軍吐谷渾與黨項俱來寇邊命紹討之  
紹見虜陣不整密使精騎自後擊之虜大潰斬首五  
百餘級貞觀元年擊梁師都於夏州平之

竇抗穆皇后從兄也左武侯大將軍領左右千牛備  
身從太宗平薛舉勲居第一

竇德明太穆皇后兄之孫也武德初爲考功郎中從  
太宗征王世充頗有戰功封顯武男

王仁皎玄宗王庶人之父也子守一與玄宗有舊及  
玄宗登極以清陽公主妻之從討蕭至忠岑義等有  
功自尚乘奉御遷殿中少監特封晉國公

竇覲昭成皇后族姪爲房州刺史德宗興元元年討  
季懷光於河中詔覲以房州兵七百人屯郿陽賊平  
以功兼御史中丞同州刺史

册府元龜

淮南李嗣京參閱

西極文翔鳳訂正

豫章黃國琦較釋

外戚部

四

褒寵

夫創業之君守文之主或奉長樂有昊天之感或念  
榆秋有關雎之助故崇其外戚示之寵賁或引年而  
錫之駟馬或數日而累夫千金至於五侯並封九卿  
絕席家藏金穴出乘綠車屢讌飲於府第俾光震於

外戚部

卷之三百二

都鄙其或性蘊謙和心知止足既在舒而能卷終以榮而為懼則庶可以全其宗族終以牖下若彌肆貪叨昧失德義罔知畏夫天命卒相繼於覆轍者蓋比比有之著于簡編定為龜鑑

周申伯宣王之舅也王使申伯居謝故崧高之詩曰

往近王舅南土是保近辭也聲如彼申伯信邁王餞

于鄆鄆地名邁行也申伯之意不欲離王室王告語之復重於是意解而信行餞送行飲酒也時王

省岐周故申伯還南謝於誠歸還南者北就王命于岐周而還及也謝於

誠歸誠歸於謝

漢衛青姊子夫武帝建元二年入宮得幸帝召青為

建章監侍中及母昆弟貴賞賜數日間累千金

霍去病衛皇后姊少兒子也為驃騎將軍元符六年

薨帝悼之發屬玄甲軍陳自長安至茂陵為冢象祁

連山

史高衛太子史良姊兄子也宣帝時為大司馬車騎

將軍領尚書事元帝襲尊號高輔政五年乞骸骨賜

安車駟馬黃金罷就第

史丹高子也成帝為太子丹為中庶子帝即位累遷

左將軍光祿大夫丹以舊恩數見褒賞賜累千金僮

奴以百數永始中病乞骸骨帝賜策曰左將軍寢病

瘳使光祿勳賜將軍黃金五十斤安車駟馬及上將軍印綬宜轉精神務近醫藥以輔不哀丹歸第數日

豐

王鳳成帝舅也為大將軍鳳薨帝臨弔贈寵送以輕車介士軍陳自長安至渭陵

許嘉女為成帝后自元帝時為大司馬車騎將軍輔政八九年成帝立欲專委任元舅王鳳迺策嘉曰將軍家重身尊不宜以吏職自累賜黃金二百斤以特進侯就朝位許后廢後帝憐許氏下詔曰蓋聞仁不

遠誼不忘親前平安剛侯夫人謁坐大逆罪幸蒙赦令歸故郡朕惟平恩戴侯先帝外祖魂神廢棄莫奉祭祀念之未嘗忘予心其還平恩侯且及親屬在山陽郡者

王莽孝元皇后弟子也為大司馬哀帝立免就第公

卿大夫多稱之者帝乃加恩寵置使家中黃門使黃門在

其家中十日一賜餐下詔曰新都侯莽憂勞國家執

義堅固朕庶幾與為共治太后詔莽就第朕甚憫焉

其以黃郵聚戶三百五十益封黃郵在南陽棘陽縣位特進給

事中朝朔望見音現禮如三公見天子之禮也車駕乘綠車從



後漢樊宏光武之舅也光武卽位拜光祿大夫位特  
進次三公每當朝會輒迎期先到俯伏待事時至乃  
起帝聞之嘗賜騶騎臨朝乃告勿令豫到宏卒賻錢  
千萬布萬疋謚爲恭侯贈以印綬車駕親送墓子儵  
嗣帝悼宏不已復封少子茂爲平望侯明年賜儵弟  
鮪及從昆弟七人各錢五十萬儵謹訥有父風事後  
母至孝及母卒哀思過禮毀病不自交光武常遣中  
黃門朝暮送饘粥

張况族姊爲皇祖考夫人數往來南頓見光武光武  
爲大司馬過邯鄲况爲郡吏謁見光武光武大喜曰

乃今得我舅乎因與俱北到高邑以爲元氏令遷况  
郡太守時年八十不任兵馬上疏乞身詔許之後詔  
問起居何如子歆對曰如故詔曰家人居不足贍且  
以一縣自養復以况爲嘗山關長  
郭况光武郭后弟也更始二年光武擊王郎至真定  
因納后有寵后卽真定王劉楊之甥也帝納后以結  
之廼與楊及諸將置酒郭氏漆里舍  
漆里卽郭后所居之里名也  
楊擊筑爲歡后弟况十六爲黃門侍郎建武十七年  
后廢爲中山太后二十六年母郭主薨帝親臨喪  
送葬百官大會遣使者迎父昌喪柩與主合葬追贈

昌陽安侯印綬謚曰思侯二十八年帝憐郭氏詔况  
 子璜尚清陽公主除璜為郎遷大鴻臚帝數幸其弟  
 會公卿諸侯况家飲讌賞賜金錢縑帛豐盛莫比京  
 師號况家金穴明帝即位况與帝舅陰識陰就並為  
 特進數授賞賜恩寵俱渥禮待陰郭每事必均永平  
 二年况卒贈賜甚厚帝親自臨喪永和二年章帝北  
 巡狩過真定會諸郭朝見上壽引入倡飲甚歡說文曰倡  
樂也聲類曰俳以太牢具上郭主家賜粟萬斛錢五十萬  
 陰陸光武光烈陰后之父后初為貴人建武九年有  
 盜劫殺后母鄧氏及弟訢帝甚傷之乃詔太司空曰

吾微賤之時娶於陰氏因將兵征伐遂各離別  
 全安俱脫虎口以貴人有母儀之德宜立為后而國  
 辭弗敢當列於媵妾朕嘉其義讓許封諸弟未及爵  
 土而遭患逢禍母子同命愍傷于懷小雅曰將恐將  
 懼惟予與汝將安將樂汝轉棄予風人之戒可不慎  
 乎其追爵謚貴人父陸為宣恩哀侯弟訢為宣義恭  
 侯以弟就嗣哀侯  
 鄧晨南陽新野人娶光武姊元漢兵起元先遇害光  
 武即位晨為徧將軍感姊沒於亂兵追封元為新野  
 節義公主立廟於南陽縣西封晨子汎為吳房侯以

奉公主之祀建武三年徵晨還京師數燕見說故舊平生爲歡十八年行幸章陵以晨行廷尉事從至新野置酒酣讌賞賜數百千萬二十五年卒詔遣中謁者備公主官屬禮儀招迎新野王魂與晨合葬於北邙乘輿與中宮親臨喪送葬

李通南陽宛人尚光武女弟寧平公主建武六年引拜大司空通布衣唱義助成大業重以寧平公主故特見親寵然素有消疾自爲宰相謝病不視事連年乞骸骨帝每優寵之令以公位歸弟養疾光武每幸南陽嘗遣使者以太牢祠通父冢十八年卒帝及皇

后親臨吊送永平中明帝幸宛詔諸李隨安衆安衆侯劉

崇後也宗室會見並受賞賜恩寵篤焉

馬廖明德馬后之兄章帝甚尊重之建初四年以特進侯就第永元四年卒和帝以廖先帝之舅厚加賜贈使者弔祭王主會喪馬防廖弟也永平爲車騎將軍城門較尉貴寵最盛與九卿絕席屢表辭位以特進就第尋拜光祿勳防子鉅爲嘗從小侯以小侯得嘗從也以鉅當冠特拜爲黃門侍郎明帝親御章臺下殿陳鼎俎自臨冠之期年復以病乞骸骨詔賜中山王田廬以特進就第

馬嚴明德皇<sub>孫</sub>父援之兒子也明帝召見詔留仁壽  
 闕嘗與宗室近親論議政事甚見寵幸拜御史中丞  
 除子鯁為郎令勸學省中前書王鳳薦班伯於成宜  
 勸學召見宴泥殿是也  
 鄧衍為新野功曹永平初以外戚小侯每豫朝會而  
 容姿趨步有出於眾明帝目之顧左右曰朕之儀貌  
 豈若此人特賜輿馬衣服

竇憲女弟為章帝皇后憲與弟篤兄弟親幸立侍官  
 省賞賜累積寵貴日盛

鄧騭和熹皇后之兄也殤帝延平元年率兵擊涼部  
 叛羌西屯漢陽徵騭班師朝廷以太后故遣五官中

郎將迎拜騭為大將軍軍到河南使大鴻臚迎中賞  
 侍齋牛酒效勞王侯以下候望於道既至大會群臣

賜帛乘馬寵靈顯赫光震都鄙

梁竦二女皆為章帝貴人生和帝永元九年梁松子  
 扈遣從兄禮奏記三府以為漢家舊典崇貴母氏而  
 梁貴人親育聖躬不蒙尊號求得申議太尉張輔引  
 禮訊問事理會復召見因白禮奏記之狀帝感慟良  
 久曰以君意若何輔對曰春秋之義母以子貴漢興  
 以來母氏莫不隆顯臣愚以為宜上尊號追慰親靈  
 存錄諸舅以明親親帝悲泣曰非君孰為朕思之會

貴人姊南陽樊調妻媼

媼音於計切

上書自訟曰妾同產

女弟貴人前充後宮蒙先帝厚恩得見寵幸皇天授命誕生聖明而爲竇憲兄弟所見譖訴使妾父竦冤死牢獄骸骨不掩老母孤弟遠徙萬里獨妾遺脫逸伏草野嘗恐沒命無由自達今遭值陛下神聖之運親統萬機群物得所憲兄弟姦惡既伏辜誅海內曠然各獲其宜妾得蘇息拭目更視乃敢昧死自陳於天妾聞太宗卽位薄氏蒙榮宣帝繼統史族復興妾門雖有薄史之親獨無外戚餘恩誠自悼傷妾父旣究不可復生母氏年殊七十及弟棠等遠在絕域不

知死生願乞收竦朽骨使母弟得歸木郡則施過天地存沒幸賴帝覽章感悟乃下中常侍掖廷令驗問之慙辭証明審遂得引見具陳其狀乃留媼止宮中連月乃出賞賜衣被錢帛第宅奴婢旬月之間累資千萬媼素有行操帝益愛之加號梁夫人擢樊調爲羽林左監復詔三公大鴻臚曰夫孝莫大於尊尊親親其義一也詩云父兮生我母兮鞠我撫我畜我長我育我顧我復我出入腹我欲報之德昊天罔極朕不敢興事覽於前世中宗太宗實有舊典追命外祖以篤親親其追封謚皇太后父竦爲褒親愍侯比靈

文順成侯魂而有靈嘉斯寵榮好爵顯服以慰母心  
遣中謁者與嫔及扈備禮西迎竦喪詣京師改殯賜  
東園畫棺玉匣衣衾建塋於恭懷皇后陵傍帝親臨  
送葬百官畢會徵還竦妻子諸子封侯位皆特進賞  
賜第宅奴婢車馬兵弩什物以巨萬計寵遇光於當  
世諸梁內外親疎並補郎謁者

馮魴孫石襲母獲嘉長公主封獲嘉侯亦為侍中稍  
遷衛尉能取悅當世為安帝所寵帝嘗幸其府留飲  
卜許日賜駿犀具劍佩刀紫艾綬玉珎各一拜子世  
為黃門侍郎世弟二人皆中郎自永初兵荒王侯租

稅多不充於是特詔以它縣租稅足石令如舊限  
入穀三萬斛錢四萬

梁商女為順帝皇后商為大將軍卒朝廷賜以東園  
朱壽之器銀鏤黃錫玉匣什物二十八種錢二百萬  
布三千疋皇后錢五百萬布萬疋及葬贈輕車介士

賜謚忠侯中宮親送帝幸宣陽亭瞻望車騎

初帝作  
誄曰孰  
云忠侯不聞其音背去國家都茲  
玄陰幽居冥冥靡所且窮者也

梁冀商之子也元嘉元年桓帝以冀有援立之功欲  
崇殊典乃大會公卿共議其禮於是有司奏冀入朝  
不趨劔屨上殿謁讚不名禮儀比蕭何悉以定陶陽

城餘戶贈封爲四縣比鄧禹賞賜金錢奴婢彩帛車馬衣服甲第比霍光以殊元勳每朝會與三公絕席十日一入平尚書事宣布天下爲萬世法冀猶以所奏禮薄意不悅

王斌女弟爲靈帝美人生獻帝爲何皇后所醜殺獻帝卽位求斌斌將妻子詣長安賜第宅田業拜奉車都尉遷執金吾封都亭侯病卒贈前將軍印綬謁者監護喪事

魏下秉武宣皇太后弟也當建安時爲別部司馬文帝爲秉起第第成太后幸第請諸家外親

毛嘉明帝悼后之父也帝以嘉爲奉車都尉嘉子璠爲騎都尉寵賜隆涅帝令朝臣會其家宴飲

晉羊琇景獻皇后從父弟爲散騎嘗侍琇卒武帝手詔曰琇與朕有先後之親大小之恩歷位外內忠允茂著不幸早薨朕甚悼之其追贈輔國大將軍開府儀同三司賜東園秘器朝服一襲錢三十萬布百疋宋徐湛之父達之尚高祖長女會稽公主討司馬休之見害湛之幼孤爲高祖所愛嘗與江夏王義恭寢食不離於側位至尚書令

臧質武敬皇后弟子也爲義興太守元嘉二十六年

文帝謁京陵質朝丹徒上禮帝設讌盡歡賜布千疋  
路瓊之孝武帝母路太后弟子也大明中瓊之及弟  
休之茂之並超顯跡太后賜與瓊之等財物家累千  
金居處服器與帝子相侔瓊之終衡陽內史  
南齊何瑀尚高祖少女豫章公主公主與瑀情愛隆  
密何氏外姻疎戚莫不霑被恩紀歷位清顯  
王績女適武帝寵子安陵王子敬永明二年納妃修  
舅姑之政武帝遣文惠太子相隨往績家置酒設樂  
公卿皆冠冕而去當世榮之  
何戡爲撫軍將軍鬱林王妃父也王即位妃爲后迎  
后親戚入宮賞賜人百數十萬

梁張弘籍高祖舅也高祖卽位詔曰亡舅齊鎮西叅  
軍風素雅亮夙肩名輩降年不永早世潛輝朕少罹  
苦辛情地彌切雖宅相克成輅車靡贈興言永徃觸  
目慟心可追贈廷尉卿

張弘策文獻皇后從父弟從高祖平建康累遷衛廷  
尉卿爲潛餘黨所害詔曰亡從舅衛尉慮發所忽殞  
身妖豎其情理清貞器識淹濟自藩外朝契濶夷阻  
加以外氏彫衰饗嘗屢絕興感涓陽情寄斯在方賴  
忠勲翼宣寡薄報效無徵永言增嘆可贈散騎嘗侍



車騎將軍給鼓吹一部謚曰愍

王錫義興公王子也為太子洗馬時昭明尚幼未與

臣寮相接高祖嘗勅昭明日太子洗馬王錫秘書郎

張績績弘策子也親表英華朝中髦俊可以師友事之中

大通六年卒年三十六贈侍中給東園秘器朝服一

襲

陳沈君理為吏部尚書女為皇太子妃宣帝大建五

年為右僕射有疾車駕親臨視卒贈侍中太子少傅

喪事所須隨出資給太子立為後主妃為后宗族多

有顯官

張種為紫金光祿大夫太建初女為始興王妃以居

處僻陋特賜宅一區又累賜無紀錫嘉與縣秩

柳莊後主從舅也為右衛將軍兼中書舍人太后弟

盼卒後太后宗屬唯莊為近由是深被恩遇

後魏杜超明元密皇后之兄始光中太武追念舅氏

封超平陽公尚南安長公主拜駙馬都尉車駕幸其

第賞賜巨萬又追加超父豹鎮東大將軍陽平景王

母曰鉅鹿惠君真君五年超為帳下所害太武臨其

喪哀慟者久之謚曰威王子鳳皇襲超爵加侍中特

進太武追思超不已欲以鳳皇為定州刺史鳳皇不

願違離闕庭乃止

姚黃眉明元昭哀皇后之弟又尚陽翟公主累拜太嘗卿卒贈雍州刺史隴西郡王謚曰獻黃眉寬和溫厚希言得失太武惜悼之故贈有加禮

馮熙文明太后之兄也後孝文又納其女爲后詔曰白虎通云王所不臣數有三焉妻之父母特言其一此所謂供承宗廟不欲奪私心然吾旣著於春秋無已證於往諫旣許通體之一用開至尊之敬比長秋配種陰政欣敷未聞有司陳奏斯或詔太師輟臣從禮又勅集書造儀付外孝文前後納熙三女二爲后

一爲左昭儀由是馮氏寵貴益隆賞賜累巨萬孝文每詔熙上書不臣入朝不拜熙後遇疾綿廢加載詔遣監問道路相望車駕亦數幸焉將遷維孝文親與別見其園篤歔郗流涕密敕宕昌公主遇太師萬一卽可監護喪事十九年薨於代車駕在淮南置臺表聞還至徐州乃舉哀爲制總服詔有司豫辨因儀并開魏京之墓令公主之柩俱向伊維凡所營送皆公家爲備又勅代給綵帛前後六十疋以饗國用皇后詣代都赴哭太子恂亦赴代哭弔將塋贈假黃鉞侍中都督十州諸軍事大司馬太尉冀州牧史加黃屋

左燾備九錫前後羽葆鼓吹皆依晉太宰安平獻王故事有司奏謚詔曰可以威強恢遠曰武奉謚於公柩至七里澗孝文服總往迎叩靈悲慟而拜焉葬日送臨墓所親作誌銘熙子誕與孝文同歲幼侍書學後除侍中都督中外諸軍事中軍將軍特進改封長樂郡公誕拜官孝文立於廷遙受其拜既乃還室楊播母文明太后之外姑也播爲中散累遷給事領中起部曹以外親優賜亟加前後萬計

睦昕之尚獻文女嘗山公主拜駙馬都尉昕之容貌柔謹孝文以其父故特垂脫眷宣武時年未四十頻撫三審當世以此榮之

鄭義女爲孝文嬪徵爲秘書監太和十六年卒賜帛五百疋

高肇文昭皇太后之兄也肇父颺厲威將軍旣卒宣武追思舅氏徵肇兄弟等錄尚書事北海王詳等奏賜宣昭在光祿大夫賜勳渤海公益曰敬封肇平原郡公肇弟顯澄城郡公引見於華林都亭皆甚惶懼舉動失儀數日之間富貴赫奕

胡國珍靈太后之父也封安定郡公進位中書監儀同三司侍中如故賜恤歲八百疋妻梁四百疋男女

姊妹各有差仍詔依漢車千秋晉安平王故事給步  
挽一乘自掖門至於宣光殿得以出入並備几杖  
李延宴爲左將軍光州刺史莊帝卽位以元舅之尊  
超授侍中太保封濮陽郡王延宴以太保犯祖諱又  
以王爵非庶姓所宜抗表固辭徙封濮陽郡公改授  
太傅

李遵孝武初以外戚超贈車騎大將軍儀同三司定  
州刺史

蕭贊尚莊帝女壽陽長公主爲齊州刺史爲城民趙  
維州所逐公主被害贊未幾卒節閔普泰未勅迎其

喪至維遣黃門郎鹿念護喪事以王禮與公主合葬

嵩山

鄭伯猷爲散騎嘗侍東平將軍前廢帝初以舅氏超  
授征東將軍金紫光祿大夫領國子祭酒

胡虔國珍之子也爲司空孝靜興和中薨贈太傅太  
尉公尚書僕射徐州刺史葬日百官會葬乘輿送於  
郭外

羅鑿爲散騎嘗侍金紫光祿大夫主衣都統卒孝靜  
以外戚故贈侍中冀定瀛三州諸軍事尚書右僕射  
司空公衛將軍冀州刺史

後周李弼子暉尚文帝女義安長公主故遂以爲嗣  
暉初贈爵義城郡公嘗臥疾暮年文帝憂之賜錢一  
千萬供其藥石之費

隋呂雙周高祖外祖也其族蓋爲平齊之後求訪不  
知所在至開皇初濟南郡上言有男子呂永吉自稱  
有姑字若桃嫁爲楊諱妻勤驗知是舅子始追贈雙  
周爲上柱國太尉八州諸軍事青州刺史上柱國封  
齊郡公謚曰敬外祖母姚氏爲齊敬公夫人詔並改  
葬於齊州立廟置守冢十家以永吉襲爵在京師  
獨孤羅文獻皇后之兄信之長子高祖爲丞相儀同

嘗置左右旣受禪下詔追贈羅父信官爵曰褒德  
行徃代通規追遠慎終前王盛典故柱國信風宇高  
曠獨秀生民睿哲居宗清猷映世宏謀長策道著於  
弼諧緯義經仁事深於拯濟方當宣風廟廟亮采台  
階而運屬艱危功高不賞騰言令範事切於心今景  
運初開椒闈肅建允戴塗山之義無忘褒紀之典可  
贈太師曰上柱國冀定等十州刺史趙國公邑萬戶  
其諸弟以羅母齊先無夫人之號不當承襲帝以問  
后后曰羅誠嫡長不可誣也於是襲爵趙國公諸弟皆  
封郡公

豆盧勣爲夏州總管文帝以其家貴盛勣效克彰後  
爲漢王諒納其女爲妃恩遇彌厚七年追狩利州功  
詔食始州臨津縣邑千戶

獨孤隨信之第四子煬帝卽位追念舅氏聽以禮葬  
乃下詔曰外氏衰弱獨孤隨不幸謝世遷卜有期言  
念渭陽之情追懷傷切宜遵禮命允備哀榮可贈正  
議大夫帝意猶不滿復下詔曰舅氏之尊戚屬斯重  
而降年弗永彫落相繼緬維先往宜崇徽秩復贈銀  
青光祿大夫

竇榮定初仕周爲飲飛中郎將其妻則高祖姊安成

長公主也帝作相拜爲雒州總管留後賜緣千疋  
涼女樂一部帝受禪來朝京師帝顧謂群臣曰朕少  
惡輕薄性相近者止榮定而已賜馬三百匹部曲八  
十二人而旌之坐事除名帝以長公主之故猶拜右  
武侯大將軍數幸其第恩賜甚厚每令尚食局日供  
羊一口珍味稱是後爲秦州總管賜吳樂一部前後  
賞賜不可勝計開皇六年卒帝爲之廢朝令左衛大  
將軍元旻監護喪事賻絹三千疋帝謂侍臣曰吾每  
欲致榮定於三事其人固讓不可今欲贈之重違其  
志於是贈冀州刺史陳國公

豆盧通尚高祖妹昌樂長公主自是恩禮漸隆遷夏州總管洪州總管

柳述冀州刺史機子也以父蔭爲太子親開皇中尚蘭陵公主述於諸壻中高祖特所寵敬歲餘判兵部尚書事

李敏初尚高祖女樂平公主敏歷金郿華岐數州刺史多不蒞職嘗留京師往來宮內侍遊宴賞賜超于功臣大業初補衛尉卿樂平公主將薨遺言於煬帝曰妾惟一女不自憂死深憐之湯沐乞迴與敏帝從之獨孤懷恩者父爲涿郡太守高祖以其獻皇后之姪

養於宮中

蕭琮自江陵入朝賜爵莒國公煬帝以皇后之故甚見親重琮族總麻以上並隨才擢用於是諸蕭昆弟布列朝廷

唐竇抗隋陳國公榮定子太穆皇后之從兄其母隋高祖姊也父卒之後高祖恩遇彌隆所賜錢帛金寶亦以巨萬武德初歸長安高祖見之悅握手命坐曰李氏竟能成事何如抗舞蹈奉賀因縱酒爲樂累遷納言帝每臨朝嘗引與坐退朝之後延入臥內命之捨敬縱酒談諠敦平生之款嘗侍宴私時或留宿禁

內帝嘗呼之爲兄而不名也內人咸稱爲舅其見親如此初年東都冊勳太廟者九人抗與弟縱俱預焉論者榮之賜女樂一部金瑤萬計

竇威太穆皇后從兄也武德初爲內史令高祖甚親重之每引入臥內嘗爲膝席又嘗謂之曰昔周朝有八柱國之貴吾與公家咸登此職今我爲天子卿爲內史令本同而末異無乃不可乎威拜謝曰臣家昔在漢朝再爲內戚至於後魏三處外家陛下龍興復出皇后臣又階恩澤位忝風池自唯叨濫伏深悚息帝大笑曰公三后族欲誇我耶關東人與崔盧爲婚

猶自矜伐公世爲帝戚豈非盛事

裴弘策仕隨爲將作大匠卒武德初追贈弘策工部尚書黎國公策妻竇太穆皇后妹也以舊姻贈焉長孫敞文德皇后叔父也義旗初建率子弟起於新豐後爲巴州刺史後坐事免太宗以后親嘗令內給絹以供私費及致仕卒謚曰良暗塋昭陵蕭瑀爲內史令高祖每臨軒聽政必賜升御榻瑀旣獨孤氏之壻帝與語呼之爲蕭郎長孫無忌文德皇后兄也太宗卽位爲吏部尚書帝以其佐命元勳地兼外戚禮遇尤重嘗出入臥內密



與謀議又嘗作威鳳賦以賜之貞觀十二年十二月  
又幸其第睦勲戚也高宗卽位以無忌爲太尉同中  
書門下三品旣當元舅之任高宗每事皆諮稟之賞  
賜優寵近古無比又令圖無忌形像親爲書贊  
房遺愛司空玄齡第二子也以功臣子弟尚高陽公  
主有寵禮命與諸婿絕異  
獨孤開遠元貞皇后兄子也爲左衛將軍卒太宗登  
苑西樓臨送開遠之葬

楊師道尚桂陽公主爲太嘗卿駙馬都尉安德郡公  
卒賜吏部尚書荊州都督賜東國秘器陪葬昭陵并

爲立碑

武士護高宗皇后父也顯慶四年三月甲申故荊州  
都督贈司徒周定公士護配享高祖廟庭賜其家魏  
州實封一千戶總章元年又詔贈司徒荊州都督忠  
孝公士護並諸功臣時皇后欲褒隆其父故并贈功  
臣咸亨元年九月甲申后母衛國夫人楊氏薨贈魯  
國大夫人謚曰忠烈司刑太嘗伯盧承慶攝同文正  
卿充使監護西臺侍郎戴至德持節吊祭哀文武九  
品以上及親戚五等以上并外命婦並聽赴宅吊哭  
葬及墳塋鹵薄等一事已上並依王禮給班劔四十

人羽葆鼓吹儀仗送至墓所往還其文武官九品以上並至渭橋宿次外婦諸親婦女並送至墓所官爲立碑仍令特進許敬宗爲其文壬辰皇后請爲夫人度太平公主出家爲女官并請頒政坊民置女官觀休祥坊宅置僧寺兼各度人追福並從之閏九月王子又詔故工部尚書贈司徒周忠孝公士彥加贈太子兼太子太師太原郡王魯國忠烈大夫人加贈太原郡王妃所司備禮冊命

韋玄貞中宗皇后父也爲豫州刺史卒神龍元年追贈上雒郡王左拾遺賈虛已諫之疏不納九月詔令

改葬玄真其儀准太后父太原王故事初帝遷於房陵玄貞坐配流欽州死后母崔氏爲欽州首領甯承基兄弟所殺玄貞有四子洵浩洞泚等時亦死於容州至是制遣使迎玄貞及崔氏喪柩歸於京師贈賻甚厚又遣廣州都督周仁軌率兵二萬斬討甯承基兄弟以其首祭於崔氏又追贈洵吏部尚書汝南郡王浩太嘗卿武陵郡王洞衛尉淮陽郡王泚太僕卿上蔡郡王亦遣使迎其喪柩歸葬於京師及將至帝與后幸長樂宮望喪而泣是年又以安車備禮徵安平郡王武攸緒攸緒則天之望子隱於嵩山積十餘

年至是徵之攸緒至擢授太子賓客仍聽其還山二年四月又改贈玄貞爲豐王仍號廟曰褒德陵曰榮光仍各置官員并給戶一百人守衛灑掃五月再追贈玄貞爲太師雍州牧并益州大都督伯父贈太嘗卿玄儼爲特進荊州大都督封魯國公追封從祖伯父十餘人皆爲上州刺史仍贈爵郡公

寶希瓏玄宗舅也希瓏後名瓏

音

開元初甚見優寵

兄弟三人皆封國公帝以早失太后尤寵之恩錫之盛朝夕相繼天寶七載詔曰睦親之義因心不忘前開府儀同三司寶瓏頃以容納微人頗虧典憲永懷舅氏追感渭陽宜伸國恩再復榮秩可開府儀同三司仍放優閑不須朝會卒贈司徒

寶希瑊希瓏兄也開元二年自光祿卿授太子少傅詔光祿造食公卿送上以外戚優其禮也開元五年薨輟朝三日贈司空兼荊州大都督賻物八百段米粟八百石賜東國秘器凶事葬事並官供務從優厚仍令將作大匠韋湊充使監護河南少尹秦守一爲副鴻臚少卿李暉持節充使齋璽書吊祭儀仗送至墓所官爲立碑

寶希玠希瑊弟也爲開府儀同三司華國公開元二

年薨帝悼之下制曰存有其榮歿有其贈古之典也  
希玠有賢戚之美登台階之秩冀其永年俾作元老  
不幸薨逝用震悼於厥心可贈尚書左丞相  
王仁皎爲開府儀同三司初玄宗在藩聘仁皎女爲  
妃及嗣位妃爲皇后仁皎以后父之重不參朝政承  
厚賜賚善自奉養開元七年卒帝親爲舉哀輟朝三  
日贈太尉益州都督制曰在昔王者旌賢睦姻莫不  
存貴寵光歿加禮冊故開府儀同三司王仁皎神仙  
望族禮樂通材履道純粹執心夷簡自大邦有子中  
闡作合以外舅之勞參上公之位績宣揚歷誠著始

終方保期願遽從薨落輿言震悼用惻于懷宜依常  
典式慰塋魂可贈益州大都尉贈物三千段米粟二  
千石喪葬事並官供務從優厚仍賜東園秘器宜令  
銀青光祿大夫守工部尚書上柱國彭城郡開國侯  
劉知柔攝鴻臚卿監護通議大夫行京兆尹上護軍  
崔琬爲副銀青光祿大夫守太子詹事上柱國安南  
縣開國侯龐承宗持節齋書弔祭左庶子上護軍白  
知慎爲副在京五品已上官更須就弔官爲立碑命  
張說爲其文親書石焉

薛談尚玄宗女嘗山公主拜駙馬都尉卒贈光祿卿

賻物一百段粟一百石官給塋事仍令京兆尹充監護使

張垵尚玄宗女寧親公主又尚信興公主爲翰林學士以主壻帝特深寵異許於禁中置內宅侍爲文章賞賜珍玩不可勝數時兄均亦供奉翰林院嘗以所賜示均均戲謂曰此婦翁與女婿非天子賜學士也姜慶初尚新平公主拜駙馬都尉新平玄宗之女也敏慧習文墨帝賢之諸主中恩禮加重慶初繇是承恩駙馬都尉鮮有授正員官者慶初特拜太嘗卿先是宗正寺奉陵廟慶初以恩幸太嘗復奉園陵

獨孤穎爲左威將軍錄事參軍卒大曆三年追贈工部尚書穎代宗貴妃之父也將冊貴妃乃加寵焉王延昌爲吏部侍郎卒大曆四年追贈吏部尚書特賜購絹一百疋布五十疋延昌妻獨孤氏貴妃之姑也是有加等郭曖汾陽郡王子儀第六子也十餘歲尚代宗第四女昇平公主時昇平年亦與曖相類大曆中恩寵冠於戚里歲時錫賚珍玩不可勝紀曖子昭以外孫故亦恩寵特異

柳晟駙馬都尉譚之子母肅宗女和政公主晟少無

簡操代宗於諸甥之中特加獎遇俾讀詩書與皇太子諸王同處親寵之任貴戚無比授試太嘗卿

沈令瑄代宗外叔祖也累官至涇傳集賢侍典舊勳齊列大曆八年卒輟朝三日帝追悼優詔贈太子少保父易直先贈秘書監德宗建中元年七月癸丑贈太師故庫部員外沈介福贈太傅故德州刺史沈士衡贈太保易直睿真皇后之父帝外祖也介福易直之父也士衡介福之父也秘書少監沈震贈太尉易直之子也沈氏贈三公保傅僕射尚書已上諸官及封邑者百餘人

王遇昭德皇后父也貞元三年贈揚州大都督賜絹四百段米粟三百石葬事一切官給遇子眉州司馬果及甥姪等進官者二十餘人

季安爲魏博節度使季安代宗女嘉誠公主子也德宗優之比河朔諸鎮爲厚

沈蟻尚憲宗女宣城公主拜駙馬都尉敬宗寶曆元年十二月賜蟻錢一萬并城南別墅昌化坊賈區各一所

郭還爲殿中少監寶曆二年二月賜還宅一區以才人將立爲貴妃故寵異其兄也五月帝御宣和殿封

還等諸親

蕭洪文宗皇太后弟也太和二年十月賜絹五百疋  
錢三百千米粟一百石

後唐孟知祥爲太原節度使同光三年冬蜀平十二  
月制以知祥依前簡較太傅同平章事克劔南西川  
節度副大使知節度事閏月己丑知祥自太原奉詔  
馳騎入維莊宗以知祥戚里之重預戒所司出內府  
供帳珍玩竒絕者別設宮居以宴之酒醕追思平昔  
事因曰吾輩老矣繼岌乳臭兒今年代爰破賊平定  
西川慰喜之外復增悲耳吾憶先帝棄代時疆境爲

賊所侵僅保一隅之地豈知今日君臨天下奇珍異  
器畢萃吾府卿爲吾姻可得而言因指閱珠玉器服  
以示知祥又曰蜀土奢華富盛不異吾宮以卿戚里  
忠賢慎乃相付卿其勉之因令中使王允平就賜節

鉞官誥

晉張從訓初爲德州刺史高祖之鎮太原也爲少帝  
娶從訓長女爲妃從訓清泰初授唐州刺史三年高  
祖舉義從訓奉唐末帝詔徵赴行在分領鄉兵次於  
團栢谷兵敗宵遁潛身民間高祖入雒有詔搜訪月  
餘乃出焉及見以戚里之故深加軫惻尋授唐州刺

史

周符昭信魏王彥卿之子世宗皇后之弟也為天雄軍衛內都指揮使顯德元年七月卒皇后於別宮舉哀率文武百僚於門進名奉慰

册府元龜

淮南李嗣京

西極文翔鳳訂正

豫章黃國琦較釋

外戚部

忠直

規諫

賢行

禮士

論薦

忠直

匪躬守節之謂忠方正無邪之謂直然則忠無不至直在其忠是以君子本忠節以成身篤正直而立志



道無不在德必有鄰漢魏已還葭莩之戚或正辭難非義莫干或竭節存誠惟善是與增霧露之潤明月月之輝既授任而無慙亦國家而有賴垂於後也不其偉與

漢竇嬰字王孫竇太后從兄子孝景卽位爲詹事帝

弟梁孝王太后愛之孝王朝因燕昆弟飲序家人昆弟之親不

爲君臣禮也是時帝未立太子酒酣帝從容曰千秋萬歲

後傳王從千容反太后驩嬰引卮酒進帝曰天下者高祖

天下父子相傳漢之約也上何以得傳梁王太后由

此憎嬰嬰亦薄其官自嫌其官輕薄之也因病免太后除嬰門

籍不得請四年立栗太子栗姬之子故曰栗太子以嬰爲傅

年栗太子廢嬰爭弗能得謝病屏居藍田山下

王商字子威宣帝時以舅子嗣封樂昌侯元帝時至

右將軍光祿大夫是時成帝爲太子定陶共王愛幸

幾代太子共讀曰恭幾巨依切商爲外戚重臣輔政擁佑太子

頗有力焉佐助也成帝卽位甚敬重商徙爲左將軍

王音元后從父弟爲車騎將軍成帝時王氏爵位日

盛唯音爲修整數諫正有忠節

傅喜字稚遊哀帝祖母定陶傅太后從父弟哀帝初

卽位以喜爲衛尉遷右將軍是時王莽爲大司馬乞

冊府元龜 外戚部 卷之三百四 一

骸骨避帝外家帝既聽莽退衆庶歸望於喜喜從弟孔鄉侯晏親與喜等

俱太后從父弟也

要爲皇后又帝舅陽

安侯丁明皆親以外屬封喜執謙稱疾傳太后始與

政事喜數諫之

與音豫

由是傳太后不欲令喜傳政帝

於是用左將軍師丹代王莽爲大司馬賜喜萬金百

斤上將軍印綬以光祿大夫養病

班穉成帝班婕妤好之兄弟平帝時太后臨朝王莽秉

政方欲文致太平

言欲以文致教太平

使使者分行

音下更切

風俗

博采頌聲而穉無所上

不稱符瑞及歌頌

瑯琊太守公孫闔

言災害於公府大司空甄封遣屬馳至兩都諷吏民

遺言祥應而急除災害

而劾闔空造不祥穉絕喜應嫉害聖政

皆不道太后曰不宣德美宜與言災害者異罰且後

宮賢家我所哀也

班婕妤好有賢德故哀闔其家

闔獨下獄誅穉懼

上書陳恩謝罪願歸相印入補延陵園郎太后許焉

食故祿終身繇是班氏不顯莽朝亦不羅咎

王閔元后母弟平阿侯譚之子哀帝時爲中嘗侍時

幸臣董賢爲大司馬寵愛貴盛閔屢諫忤旨哀帝臨

終以璽書綬付賢曰無妄以與人時國無嗣主內外

憂懼閔白元后請奪之卽帶劔至宣德後闔舉手叱

賢曰宮車宴駕國嗣未立公受恩深重當俯伏號泣

何事持璽綬以待禍至耶賢知閔必死不敢拒之乃跪授璽綬閔馳上太后朝廷壯之及王莽篡位潛忌閔乃出爲東郡太守閔懼誅常繫藥手內莽敗漢兵起閔獨完全東郡三十餘萬戶歸降更始

後漢陰興光烈皇后母弟建武二年爲黃門侍郎守期門僕射典將武騎從征伐平定郡國興每從出入嘗操持小蓋障翳風雨躬履途泥率先期門光武所幸之所輒先入清宮甚見親信雖好施接賓然門無俠客與同郡張宗上谷鮮于裒不相好知其有用猶稱所長而達之友人張泥杜禽與興厚善以爲華而

少實但私之以財終不爲言是以世稱其忠平

樊儵光武舅子明帝時爲長水校尉廣陵王荆有罪帝以至親悼傷之諂儵與羽林監南陽任隗雜理其獄事竟奏請誅荆引見宣明殿帝怒曰諸卿以我弟故欲誅之卽我子卿等敢爾邪儵仰而對曰天下高帝天下非陛下之天下也春秋之義君親無將將而誅焉是以周公誅弟季友鳩兄經傳大之臣等以荆屬託母弟陛下仁聖心加惻隱故敢請耳如令陛下子臣等專請誅而已帝嘆息良久儵益以此知名馬廖以明德皇后弟爲羽林左監虎賁中郎廖性質

誠思慎不愛權勢聲名盡心納忠不屑毀譽

魏下蘭武宣皇后弟秉子爲奉車都尉嘗苦酒消渴時明帝信巫女用水方使人持水賜蘭蘭不肯飲詔問其意蘭言治病自當以方藥何信於巫帝爲變色後渴愈甚以至於亡故時人見蘭好直言謂帝面折之而蘭自殺其實不然

吳朱據大帝時尚公主拜左將軍赤烏九年遷驃騎將軍構爭據擁太子言則懇至義形於色守之以死曰臣聞太子國之本根雅性仁孝天下歸仁今卒責之將有一朝之慮昔晉獻用驪姬而申生不存漢武

信江充而戾太子冤死臣竊懼太子不堪其憂位思子之宮無所復及矣

晉胡奮字玄威武帝時爲鎮軍大將軍泰始末女爲貴人時楊駿以后父驕傲自得奮謂駿曰卿恃女更益豪耶歷觀前代與天家婚未有不滅門者但早晚事耳觀卿舉措適所以速禍駿曰卿女不在天家乎奮曰我女與卿女作婢耳何能損益時人皆爲之懼駿雖啣之而不能害

賈模以惠帝皇后從兄爲侍中乃盡心輔弼推張華裴頴同心輔政數年之中朝野寧靜模之力也

王爽字季明孝武定皇后弟強正有志力歷給事黃門侍郎侍中孝武末王國寶夜欲開門入爲遺詔爽拒之曰大行宴駕皇太子未至敢入者斬乃止

隋獨孤開遠元貞皇后之兒子也爲左千牛及宇文化及江都作逆開遠時在宿直遂率殿中數百人詣玄覽門請戰門已爲賊所據不得通兵士稍引去開遠遂被執化及義而不誅

唐蕭瑀初仕隋爲內史侍郎既以后弟之親委之機務後數以言忤旨漸見疎斥

長孫無忌文德皇后兄也嘗從太宗征討累除北部

郎中及隱太子建成等謀害太宗無忌請先發誅之於是奉密旨詔房玄齡杜如晦等爲籌略及難作無忌與尉遲敬德侯君集張公謹劉師立公孫武達獨孤彥杜公綽鄭仁泰李孟嘗等九人入玄武門討建成等平之

王同皎尚中宗女拜駙馬都尉神龍中以武三思專權任勢謀爲逆亂乃招集壯士期以則天靈駕發引劫殺三思同謀人撫州司倉冉祖雍具以其計密告三思三思乃遣較書郎李俊上言同皎潛謀殺三思後將擁兵詣闕廢黜皇后帝然之遂斬同皎於都臺

驛前籍沒其家臨刑神色不變天下莫不寃之睿宗卽位令復其官爵執冉祖擁李俊並誅之

吳湊大曆中以章敬皇后弟爲金吾將軍代宗誅宰相元載時王縉楊炎王昂韓洄包佶韓會皆當從坐籍沒湊百端救解以縉等罪未至極刑恐虧損聖德由是各貶官而已

湊兄淑建中初爲左金吾衛大將軍涇原兵叛駕幸奉天盧杞白志貞稱朱泚必當向順固無背叛之事德宗擇大臣可使者衆憚其行淑嘆息謂親友曰國難不能死非人臣也吾忝恩戚知死所矣遂請使焉

及至京城賊泚勉勞如嘗儀淑退而泚逆謀已決因害淑於四方館之前帝聞而哀悼久之

郭釗元和末以懿安皇后兄爲司農卿時憲宗寢疾彌旬諸中貴人秉權廢立紛紛未定穆宗在東宮憂甚使人問謀於釗釗曰殿下身爲皇太子但朝夕侍膳謹守以俟又何他慮乎迄今稱得元舅之體

規諫

傳曰近臣盡規又曰工執藝事以諫然則諫諍之道臣子之事自上下下靡不由之况在懿親寧忘忠盡其有葭莩近屬肺腑大臣位秩旣崇委賴斯至或則

握兵之要或則居帝之右或出入椒掖或陟降彤墀莫不義重君親理同休戚乃有秉純亮之操勵謇諤之志獻可替否以罄其深衷見危授命以全其大節至於朝政之愆缺國體之安危何嘗不進思盡忠彌縫其失孜孜以納誨惓惓以弼違言有逆於耳而拂於心事有利於上而益於國茲所謂親親之義知無不為者焉

史丹元帝時為駙馬都尉以宣帝外屬親信之詔丹護太子家是時傳昭儀子定陶共王有材藝子母俱愛幸而太子頗有酒色之失母王皇后無寵建昭之

後元帝被疾不親政事留好音樂或置鞀鼓殿下天

子自臨軒檻上墮銅丸以擲鼓

墮下也

聲中嚴鼓之

節

莊嚴鼓節也

後宮及左右習知音者莫能為而定陶王

亦能之帝數稱其材丹進曰凡所謂材者敏而好學

溫故知新

敏速疾也溫厚也溫故厚蓄故事

皇太子是也若廼器人

於絲竹鼓鞀之間則是陳惠李微高於匡衡可相國

也

陳惠李微二人皆黃門鼓吹也

於是帝默然而笑竟寧元年帝寢

疾傳昭儀及定陶王嘗在左右而皇后太子希得進

見帝疾稍侵意忽忽不平

稍侵言漸篤也平和也

數問尚書以

景帝時立膠東王故事是時太子長舅平陽侯王鳳

為衛尉侍中與皇后太子皆不知所出知所出不知所出計丹

以親密臣得侍親疾候帝間獨寢時丹直入臥內頓

首伏青蒲上以青蒲地曰青蒲自非皇后不得至此涕泣言曰皇太子

以適長立十餘年名號繫於百姓天下莫不歸心臣

子自託為臣子見定陶王雅素愛幸今者道路流言為國

生意以為太子有動搖之議審若此公卿之下皆以

死爭不奉詔臣願先賜死以示群臣天子素仁不忍

見丹涕泣言又切至帝意大感喟然太息曰吾日困

劣而太子兩王又少意中戀戀亦何不念乎然無有

此議且皇后謹慎先帝又愛太子吾豈可違旨駙馬

都尉安所受此語丹即却頓首曰愚臣妄聞罪當死

却退也離青蒲二席地帝因納謂丹曰吾病寢加恐不能自還

寢漸也善輔道太子毋違我意丹嗟唏而起太子由是

遂為嗣矣

班伯成帝時為侍中光祿大夫伯况之子也况女為

帝婕妤帝自大將軍薨後王鳳也富平定陵侯張放淳

于長等始愛幸出為微行行則同輿執御入侍禁中

設宴飲之會及趙李諸侍中皆引蒲舉白引謂取蒲觴而飲舉

觴告白盡杯也一說白者罰爵之名也飲有不盡者則以此爵罰之魏文侯與大夫飲酒令臣不酬者浮

以大談笑大噱噱笑聲也時乘輿幄坐張畫屏風畫紉醉

丹守元冠 外戚部 卷之三十四 九



踞俎已作長夜之樂帝以伯新起數目禮之視而作敬戒狀

顧指畫而問伯紂為無道至於是乎伯對曰書云乃

用婦人之言何有踞肆於朝肆放也陳也所謂眾惡歸之

不如是之甚者孔子曰紂之不善不如是之甚也是以君子惡居下流天下之惡皆歸焉

故伯引此為言帝曰苟不若此此圖何戒伯曰沈湎于酒微

子所以告去也微子殷之卿士封於微爵稱子也殷紂錯亂天命微子作語告箕子比于

而去紂其誥曰用沈湎于酒用亂厥德于下式號

我其發出狂吾家耄遜於荒事見尚書微子篇

式呼大雅所以流連也大雅蕩之詩曰式號式呼俾畫作夜言醉酒號呼以畫為

夜也流連言作詩之人嗟嘆而涕泣流連也而說者

乃以流連為荒亡益失之矣大雅所以流連不謂飲

酒之人也詩書淫亂之戒其原皆在於酒帝乃喟然嘆曰

吾久不見班生今日復聞謹言謹言善言也放等不悻悻

也稍自引起更衣罷出

後漢樊儵光武舅宏之子為長水校尉明帝時上言

郡國舉孝廉率取年少能報恩者耆舊大賢多見廢

棄宜勅郡國簡用良俊又議刑辟宜須秋月以順時

氣帝並從之

馬嚴伏波將軍援之兄子援小女為明帝后章帝即

位徵拜御史中丞其年各有日食之灾嚴上封事曰

臣聞日者眾陽之長食者陰侵之徵書曰無曠庶官

天工人其代之言王者代天官人也故考績黜陟以

明褒貶無功不黜則陰盛凌陽臣伏見方今刺史太守專州典郡不務奉事盡心為國而私察偏阿取與自己同則舉為尤異異則中以刑法不即垂頭塞耳探求財賂今益州刺史朱醮楊州刺史倪說涼州刺史尹業等每行考事輒有物故又選舉不實曾無貶坐是使臣下得作威福也故事州郡所舉上奏司直察能否以懲虛實今宜加防簡式遵前制舊丞相御史親治職事唯丙吉以年老優游不察吏罪於是宰府習為嘗俗更共同養以崇虛名或未曉其職便復遷徙誠非建官賦祿之意宜勅正百官各責以事州

郡所舉必得其人若不如言裁以法令傳曰上德以寬服民其次莫如猛故火烈則人望而畏之水懦則人狎而翫之為政者寬以濟猛猛以濟寬如此綏御有體灾青消矣書奏納其言而免醮等官  
馬廖援之子章帝時為衛尉帝甚尊重之時皇太后躬履節儉事從簡約廖慮美業雖終上疏長樂宮以勸成德政曰臣按前世詔令以百姓不足起於世尚奢靡故元帝罷服官成帝御浣衣哀帝去樂府然後養不息至於衰亂者百姓從行不從言也夫改政移風必有其本傳曰吳王好劍客百姓多瘡瘢楚王好

細腰宮中多餓死長安語曰城中好高髻四方高一尺城中好廣眉四方且半額城中好大袖四方全疋帛斯言如戲有切事實前下制度未幾後稍不行雖或吏不奉法良由慢起京師今陛下躬服厚繒斥去華飾素簡所安發自聖性此誠上合天心下順民望浩大之福莫尚於此陛下旣以得之自然尤宜加以勉勗法太宗之隆德戒成哀之不終易曰不恒其德或承之羞誠令行一境則四海誦德聲薰天地神明可通金石可勒而况於行仁心乎况於行令乎願置童坐側以當瞽人夜誦之音太后深納之朝廷大義

轉以詢訪

鄧康以和熹皇后從兄爲越騎校尉康以太后久臨朝政宗門盛蒲數上書長樂宮諫譴宜崇公室自損私權言甚切至太后不從

梁商爲大將軍女卽順帝后也永和四年中嘗侍張達璩政等共譖商事敗伏誅辭所連染及在位大臣商懼多侵枉乃上疏曰春秋之義功在元帥罪止首惡故賞不僭濫刑不淫濫五帝三王所以同致康乂也竊聞考中嘗侍張達等詞語多所牽及大獄一起無辜者衆死囚久繫織微成大非所以順迎和氣平

政成化也宜蚤究竟以止逮捕之煩帝乃納之罪止坐者

竇武女爲桓帝后武於延熹中爲城門校尉時國政多失內官專寵李膺杜密等爲黨事考逮永康元年武上疏諫曰臣聞明主不諱譏刺之言以探幽暗之實忠臣不恤諫諍之患以暢萬端之事是以君臣並熙名達百世臣幸得遭盛明之世逢文武之化豈敢懷祿逃罪不竭其誠陛下初從藩國爰登聖祚天下逸豫謂當中興自卽位以來未聞善政梁孫寇鄧雖或誅滅而嘗侍黃門續爲禍虐欺罔陛下競行譎詐

自造制度妄爵非人朝政日衰姦臣日強伏尋西京放恣王氏佞臣執政終喪天下今不慮前事之失復循覆車之軌臣恐二世之難必將復及趙高之變不朝則夕近者姦臣牢脩造設黨議遂收前司隸較尉李膺太僕杜密御史中丞陳翔太尉掾范滂等逮考連及數百人曠年拘錄事無效驗臣推膺等建中抗節志經王室此誠陛下稷契伊呂之佐而虛爲姦臣賊子之所誣抵天下寒心海內失望惟陛下留神澄省特見理出以厭人鬼喁喁之心臣聞古之明君必須賢佐以成政道今臺閣近臣尚書令陳蕃僕射胡

廣尚書朱寓荀緄劉佑魏郎劉矩尹勳等皆國之貞  
上朝之良佐尚書郎張陵媯皓苑康楊喬邊韶戴恢  
等文質彬彬明達國典內外之職群才並列而陛下  
委任近習專樹饗饗外典州郡內幹心膂宜以次賤  
黜案罪糾罰抑奪官爵欺國之封案其無狀誣罔之  
罪信任忠良平決臧否使邪正毀譽各得其所寶愛  
天官惟善是授如此咎徵可消天應可待問者有嘉  
禾芝草黃龍之見夫瑞生必於佳士福至實由善人  
在德爲瑞無德爲灾陛下所行不合天意不宜稱慶  
書奏因以病上還城門較尉槐里侯卬綬帝不許有

詔原李膺杜密等自黃門北寺若虛都內諸獄繫  
罪輕者皆出之

魏下蘭武帝下后弟秉之子明帝時蘭見外有二難  
而留意於宮室嘗因侍從數切諫帝雖不能從尤納  
其誠欵蘭位至散騎嘗侍

吳滕喬封都亭侯弱冠尚公主每上表陳及時宜及  
民間優劣多所輔弼

晉庾冰以后兄輔政康帝卽位求出鎮武昌臨發上  
疏曰臣因循蒙寵冠冕當世而志無殊操量不及遠  
須皇家多難釁故頻仍朝望國器與時熾落遂令天

眷不墜降及臣身俯仰伏事於今五年上不能光贊聖猷下不能緝熙朝政而陛下遇之過分求之不已復敗駕之駟以異萬里之功非天眷之隆將何以至此是以敢竭狂瞽以獻血誠願陛下暫屏旒纒以弘聽納今疆寇未殄戎車未戢兵弱於郊人疲於內寇之侵逸未可量也黎庶之困未之安也群才之用未之盡也而陛下崇高事與下隔視聽察覽必寄之群下群下宜忠不引不進百司宜勤不督不勸是以古之帝王勤於降納雖日總萬機尤兼聽將相或借訟與人或求謗芻蕘良有以也况今日之弊開關之極

而陛下歷數屬當其運否利之難嬰之聖躬普天所以痛心於既往而傾首於將來者也實真否終而泰屬運在今誠願陛下引天覆之量深地載之厚宰冲虛以爲本勤訓督以爲務廣引時彥詢于政道朝之德失必關聖聽人之情僞必達天聽然以覽其大當以總國綱恭儉節用堯舜豈遠大布之衣衛文何人是以古人有云非知之難行之難非行之難安之難也願陛下旣思日側於勞謙納其起予之情則天下幸甚矣臣朝夕伏膺猶不能暢臨䟽徘徊不覺辭盡後魏胡虔字僧敬靈太后從子太后旣再臨朝恩威

不立鄭儼等汚亂宮掖僧敬因聚集親族逐涕泣諫  
曰陛下母儀海內豈宜輕脫如此太后大怒自是不  
召僧敬

虔為吏部郎中太后好與家人禮與親戚  
宴戲虔當致諫由是後宴虔不得預焉

賢行

夫高而不危動罔不吉蓋賢而能降行之為艱况夫  
漸潤皇嬖託屬丹掖折圭分爵累紫重金而能敦尚  
素風裁損貴勢以恭肅而逮下以矜嚴而奉上極孝  
弟之性循遜讓之則表率於后族流譽於薦紳因能  
永烈士之封免傾軛之歎傳所謂帝王有外戚之助  
者其以是夫

漢竇長君文帝竇后兄廣國字少君后弟也后立  
於長安絳侯灌將軍乃選長者有節行者與居竇長  
君少君由此為退讓君子不敢以富貴驕人

衛青衛皇后弟為大將軍青仁善喜士退讓

王商字子威父武以宣帝舅封為樂昌侯商少為人  
子中庶子以肅敬敦厚稱父薨商嗣為侯推財以分  
異母諸弟身無所受居喪哀戚於是大臣薦商行可  
以厲群臣義足以厚風俗宜備近臣由是擢為諸曹  
侍中中郎將

史丹字君仲父高衛太子良姊兄子也宣帝時封樂

陵侯丹以父任為中庶子成帝時封左將軍丹為人  
知足愷悌愛人心甚謹密

馮參字叔平姊成帝昭儀也參少為黃門郎給事中  
為人務嚴好修容儀進退愉愉甚可觀也參昭儀少  
弟行又救備以嚴見憚

後漢馬光援之子也光為衛尉援女為明德皇后光  
為人小心周密喪母過哀東觀記云此道母喪  
哀痛感傷形骸骨立帝以

是特親愛之

樊儵字長魚宏之子宏即世祖舅也儵謹約有父風  
事後母至孝及母卒哀思過禮毀病不自支世祖嘗

遣中書黃門朝暮送餽粥儵位至燕侯

陰嵩興從兄也建武中為中書郎將監羽林十餘年  
以勤勅見幸

陰慶興子也封銅陽侯慶推田宅財物悉與弟元丹  
明帝以慶義讓擢為黃門侍郎

鄧閻和熹皇后之弟也母新野君寢疾與兄騰並上  
書求還侍養太后以閻最少孝行尤著特聽之賜安  
車駟馬及新野君薨騰等復乞身行服章連上太后  
許之既還里第並居塚次閻至孝骨立有聞當時  
鄧康和熹皇后從兄也少有操行順帝時為太僕有



方正稱名重朝廷

梁商少以外戚爲郎中遷黃門侍郎順帝選商女爲后位大將軍商天資聰敏昭達萬情舉措動作直推雅性務在誠實不爲華飾孝友著於閭閻明信結於友朋其在朝廷儼恪矜嚴威而不猛退食私館接賓待客寬和肅敬憂人之憂樂人之樂皆若由己輕視財貨不爲蓄積故衣裳裁定卒歲奴婢車馬供用而已朝廷由是敬憚委任焉每有饑饉輒載租穀於城門賑與貧餒不宣已惠

晉羊祜字叔子景獻皇后同產弟祜年十二喪父孝

思過禮事叔父耽甚謹位至征南大將軍開府儀同三司

庾袞字叔袞明穆皇后伯父也少履勤儉篤學好問事親以孝稱咸寧中大疫二兄俱亡次兄毗復殆膺氣方熾父母諸弟皆出次於外袞獨留不去諸父兄強之乃曰袞性不畏病遂親自扶持晝夜不眠其間復撫柩哀臨不輒如此十有餘旬疫勢旣歇家人乃反毗病得差袞亦無恙父老咸曰異哉此子守人所不能守行人所不能行歲寒然後知松栢之後凋始知疫癘之不能相染也後州郡察孝廉舉秀才清白

異行皆不降志

宋趙倫之字幼下成邳僮人也武穆皇后之弟幼孤  
曾事母以孝稱位至領軍將軍

徐湛之母高祖長女會稽公主湛之早孤及長頗涉  
文義善自衛侍事祖母及母並以孝謹聞位至尚書  
僕射領護軍將軍

南齊江祐姑為景皇后祐為太子詹事勢冠當時然  
家行甚睦待子姪有恩意

梁張弘榮字真簡范陽方城人文獻皇后之從父弟  
也幼以孝聞母嘗有疾五日不食弘榮亦不食母強

為進粥乃食母所餘遭母憂三年不食鹽菜幾至

性兄弟友愛不恣暫離其室嘗同臥起世稱為名家  
位至散騎嘗侍

覆魏姚黃眉太宗昭哀皇后之弟也黃眉上陽翟公  
子為太嘗卿卒黃眉寬和溫厚希言得失太武悼惜

之

後周尉遲迥即宣帝皇后祖也性至孝色養不怠身  
嘗在外所得四時甘脆必先薦奉然後敢嘗位至柱

國大將軍

唐吳湊代宗之舅也大曆十四年以左金吾衛將軍

左衛使乞罷官侍親時母老有疾特許之

禮士

外戚之貴顯莫盛於兩漢其或負器識當柄用靡不好彼功名傾諸將相進家居之時俊結赴義之俠少損威重而入閭巷設盛饌而盡歡談亦有閉戶以固辭弗奪其節投劾而憤去終加辟命禮士之道斯焉可觀

漢竇嬰孝文竇后從兄子喜賓客破七國封魏其侯游士賓客爭歸之

田蚡孝景皇后同母弟武帝初卽位蚡以舅封爲武

安侯新用事卑下賓客進名士家居者貴之滯在里巷未便

者欲以傾諸將相傾謂踰越而勝之也上所鎮撫多蚡賓客計

策

王譚封平阿侯與城都侯商紅陽侯立曲陽侯根高平侯逢時皆元后之同產皆通敏人事好士養賢傾財施予以相高尚樓護爲天水太守數歲免家長安中商爲大司馬衛將軍罷朝欲候護其主簿諫將軍至尊不宜入閭巷商不聽遂往護家家狹小官屬立車下从往移時天欲雨主簿謂西曹諸掾曰不肯強諫反兩立閭巷商還或白主簿語商恨以它職事去

主簿終身廢鉅

後漢郭况建武中封綿蠻侯以后弟貴重賓客輻輳况恭謙下士頗得聲譽

陰就建武中以后弟嗣父封新陽侯就以外戚貴顯深敬重馮衍衍遂與之交結就既慕朱暉賢自往候之暉避不見復遣家丞致禮暉遂閉門不受就聞嘆曰志士也勿奪其節又與帝婚梁松皆慕楊政聲名而請與交友政每共言論嘗切磋懇至不爲屈撓時帝子沛獻王輔等皆好賓客請并丹不能致就以外戚別使人要劫之丹不得已既至就故爲設麥飯葱

菜之食丹推去曰以君侯能供養故來何謂如此就便設饌就起左右進輦丹曰昔桀人輦卽此也坐士失色就去輦歡談終日乃去

馬廖明帝永平中爲羽林左監虎賁中郎將與侍中竇憲並京師貴戚時江革爲冬官中郎將廖等各奉書致禮

馬房廖弟也章帝建初中爲車騎將軍時傳毅以文雅顯於朝廷房請毅爲軍司馬待以師友之禮

竇憲建初中以后兄爲侍中章帝謂憲曰卿寧知崔駰乎對曰班固數爲臣說之然未見也帝曰公愛班

固而忽崔駟此葉公之好龍也試請見之駟繇此候  
憲憲倒屣迎門笑謂駟曰亭伯吾受詔交公公何得  
薄哉遂揖入為上客

梁商為大將軍自以戚屬居大位每存謙柔虛已進  
賢辟漢陽巨覽上黨陳龜為掾屬李固周舉為從事  
中郎於是京師翕然稱為良輔順帝委任焉

何進女弟為靈帝后進為河南尹遷為大將軍司徒  
楊賜遣掾孔融奉謁賀進不時通融即奪謁還府投  
劾而去河南官屬耻之私遣劍客欲追殺融客有言

於進曰孔文舉有重名

離家傳曰客言於進曰孔文舉於時英雄時傑譬諸物類

猶衆星之有北辰百穀之有黍稷天下莫不屬目也將軍若造怨此人則四方

之士引領而去矣不如因而禮之可以廣示於天下  
進然之既拜而辟融舉高第為侍御史

宋蕭思話孝懿皇后弟子也宗戚令望早見任待凡  
歷十二仗節監都督九馬愛才好士人多歸之

論薦

傳曰自古受命繼體之君非獨內德茂也蓋亦有外  
戚之助焉夫肺腑之親河潤之族光寵隆極褻慢嘗  
生而能為國辨材屈身逮下推引髦乂登庸俊良降  
自漢興間世而有所以佑輔邦政恢崇帝圖宜乎表

三適之功受加地之賞雖重金累紫蓋無媿焉

漢王鳳以元后兄為大將軍時執金吾辛慶忌左遷

酒泉太守歲餘鳳薦慶忌前在兩郡著功迹徵入歷

位朝廷莫不信鄉質行正直仁勇得衆心通於兵事

明畧威重任國柱石任堪也父破羌將軍武賢顯名前

世有威西夷臣鳳不宜从處慶忌之右右上也乃復徵

為光祿大夫執金吾

後漢樊儵字長魚父宏光武之舅也儵為長水較尉

北海周澤瑯琊承宮並海內大儒儵皆以為師友而

致之於朝

陰興光烈皇后之母弟與同郡張宗上谷鮮于褒不

相好知其有用猶稱所長而達之代吳漢為大司馬

興疾病光武親臨問以政事及群臣能否興頓首曰

臣愚不足以知之然伏見議郎席廣謁者陰嵩並經

行明深踰於公卿興沒後帝思其言遂擢廣為光祿

勳嵩為中郎將監羽林

竇憲章德皇后之兄和帝即位憲為大將軍輔政以

前太尉鄧彪有義讓先帝所敬而仁厚委隨委隨猶順從也

故尊崇之以為太傅令百官總已以聽帝既富於春

秋憲自外戚之重欲令少主頗涉經學以屯騎較尉

桓郁累世帝師而性和退自守故上書皇太后曰禮記云天下之命懸於天子天子之善成乎所習習與智長則切而不勤化與心成則中道若性昔成王幼小越在襁褓周公在前史佚在後太公在左召公在右中立聽朝四聖維之是以慮無遺計舉無過事孝昭皇帝八歲卽位大臣輔政亦選名儒韋賢蔡義夏侯勝等入授於前卒成聖德近建初九年張酺魏應召訓亦講禁中伏惟皇帝陛下躬天然之姿宜漸敦學而獨對左右小臣未聞典義昔五更桓榮親爲帝師子郁結髮敦尚繼傳父業故再以較尉入授先帝

父子給事禁省更歷四世今白首好禮經行篤備又宗正劉方宗室之表善爲詩經先帝所褒宜令郁方並入教授以崇本朝先示大化由是遷郁長樂少府復入侍講

鄧騭以和喜皇后諸父爲大將軍安帝時遭元元之災人士荒饑死者相望盜賊群起四夷侵畔騭與弟引悝間等崇節儉罷力役推進天下賢士何熙較諷羊浸李郤陶郭等列於朝廷故天下復安先是侍中曾丕免永初二年詔公卿舉儒術篤學者騭舉丕再遷復爲侍中左中郎將

何進以靈帝后父爲大將軍秉政徵海內名士荀攸等二十餘人舉孔融高第爲侍御史

晉褚裒康獻皇太后父爲征北大將軍以政道在於得才宜委賢任能外敬舊齒乃薦前光祿大夫顧和侍中殷浩疏奏卽以和爲尙書令浩爲揚州刺史

梁張弘策文獻皇后從父弟從祖高平建康天監初爲散騎嘗侍盡忠奉上知無不爲交友故舊隨才薦拔縉紳皆趨焉

唐楊國忠天寶中爲右相太真妃卽從祖妹也國忠以聲名自高搜天下奇傑張鎬名召見薦之自釋褐

官拜左拾遺

冊府元龜



